



7. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquqit:

- 1. Oqaatsimut ikiorsiissutinik peqquserluuteqarnermut aalajangersimasumik isumaqartitsisoqarpa, Naalakkersuisullu suna atorpaat?**
- 2. Siusinnerusukkut Kalaallit Nunaanni ikiorsiissutinik peqquserluuteqarnerit annertussusaannik misissuisoqarsimava, misissukkallu naammassiat aallaavigalugit ajornartorsiutip annertussusaanik qanorlu issusaanik suna inerniliunneqarsinnaava?**
- 3. Kalaallit Nunaanni ikiorsiissutinik peqquserluuteqarnerup qanoq annertutigineranik Naalakkersuisut ilisimasaqarpat, tassunga ilanngullugit isumaginnikkut ikiorsiissutit pillugit maleruagassanik sanioqqutaarinerit?**
- 4. Naalakkersuisut nunatsinnilu kommunit siusinnerusukkut ikiorsiissutinik peqquserluuteqarnermik akiuiniarlutik ajornartorsiummilluunniit saqqumilaartitsiniarlutik siusinnerusukkut suleqatigiissimappat?**
- 5. Naalakkersuisut suliat qanoq amerlatigisut ikiorsiissutinik sanioqqutsilluni tiguneqarsimasut pillugit kommunit piumasaqaataannut tunngasunik ilisimasaqarpat, tassunga ilanngullugit suliat innuttaasut paasissutissanik eqqunngitsunik tunniussinerisa paasissutissiinissamiluunniit pisussaaffimminnik naammassinninnginnerisa kingunerannik pisunik?**
- 6. Kommunit suliniutaannik ikiorsiissutinik peqquserluuteqarnermik kiisalu isumaginninnermut tunngasuni maleruagassanik atuuttunik sanioqqutaarinnernut akiuiniarnermik siunertaqartunik Naalakkersuisut ilisimasaqarpat?**
- 7. Ikiorsiissutinik peqquserluuteqarnermik akiuiniarnissamik aallartitsinissaq Naalakkersuisut periarfissatut isigaat, tassunga ilanngullugit suliniutit inatsimmi aalajangersarneqartut ikiorsiissutinik innuttaasunut pisariaqartitsisunut taamaallaat tunniussisarnissamik qulakkeerinnittussat?**
- 8. Kalaallit Nunaanni ikiorsiissutinik peqquserluuteqarnerup annertussusaata qulaajaavigineqarnissaanut aningaasatigut allaffissornikkullu isumalluutit atugassat qanoq annertutiginerannik Naalakkersuisut missingiisinnaappat?**
- 9. Kalaallit Nunaanni ikiorsiissutinik peqquserluuteqarnermut tunngasunik naapertuuttunik allanik Naalakkersuisut oqaatigisassaqarpat?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunngavilersuut:

INUIT ATAQATIGIIT

Inatsisartuni



Kommunit isumaginninnikkut ikiorsiissutit aqutugalugit aningaasarpassuarnik aqutsipput, soorlu pisortat ikiorsiissutaat, ineqarnermut tapiisutit, siusinaartumik pensionisiat il.il. Inatsisit paasiuminaassinnaapput, soorluttaaq innuttaasut pissutissaqarnatik isumaginninnikkut ikiorsiissutinik piniarlutik paasissutissanik eqqunngitsunik tunniussisarnerat nunanit allani ilisimaarineqartoq. Kommunit ilaat ikiorsiissutinik peqquserluuteqartarnermik akiuiniarlutik suliniutinik aallartitsisarnermik misilittagaqarput, taakkuli ataqatigiissarneqanngillat ikiorsiissutinillu peqquserluuteqarnernut akiuiniarneq ataqatigiissagaanani.

Isumaginninnikkut inatsisit, inatsisiliornermi siunertarineqartut atorneqarnissaata qulakkeernissaa ikiorsiissutinik peqquserluuteqarnermik akiuiniarnermi politikikkut anguniagaavoq. Isumaginninnikkut ikiorsiissutinik pisussaangitsut pisannginnissaat siunertaavoq. Inatsisip siunertaata malinneqarnissaa taamatullu innuttaasunut tunngavissaqanngitsumik isumaginninnikkut ikiorsiissutinik tunniussisoqannginnissaa pingaarpoq. Tamanna ikiorserneqarnissamik pisariaqartitsisunut aallussinermik patajaallisaaqataassaaq.

Apeqqutima ullut suliffiusut qulit ingerlaneranni akineqarnissaat qinnutigissavara.